

مطبعه و محل اداره :

جفال اوغلنده امنیت
صندوغی جوارنده
شنگول یقوشنده
۲۷ نومرو

مُشَاقَقَاتُ صِرَاطِ

۱۳۲۶

سلکمه موافق آثار
جدیده مع المنونه
قبول اولنور

درج ابدله بن آثار اعادة اولنور

دیر ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و مشوره اسلامیه در بحث ایدر و هفته ده به نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ باره در

قیرله دن مقوا بورو ایله کوندریلیرسه سنوی

۲۰ غروش فضله آلنور

سنه لکی	القی آیلانی	غروش
مالک عثمانیه ایچون	۶۵	۳۵
روسیه	۶۵	۳۵
سائر مالک اجنبیه	۱۷	۹

اوغاچی (بوندن بر بحق سینه مقدم) بزم والیز اولان بر آدمی مقرر خلافتده قبال صفیله قبول ایده رک مهمانوازلق کوسه تردکدن ماعدا لزومندن فضله اختیار تذلل ایتمه من ، الگادی دیپلوماتلرک بیله ادراک ایده بیله جکی برجسته بر مغیوبیت اولدیغی خاطر دن جبقارمه ملی .

(دیپلوماتلوق آلتامق دکل ، آلتامق در) بو نقطه یه دقت ایتمه لی .

ملک وظیفه سینه کلنج بالاده دیدیکمز کی « الجزاء من جنس العمل » قاعده سینه رعایه مسئله نك تمیدی هر نه یه توقف ایدرسه اونی بایمقدر ، لدی الایجاب قومیه جیلغه قدر وارمه لی آرزوی عمومی ملی خلافتده حکومت سینه صاحب ایده جک اولسه بیله ، ملت کندی حققی مدافعه ایتمه لی ، ایستر طرابلس غرب و بنغازیده ، استر درنده و سائر سواحل افریقای عثمانیه مجاهدین اسلامیه نامه هر صورتیه مقاومت کوس کر مه لی ، کیج ، باصقین ای ، هجوملر و سونکو محاربه لریه توسل صورتیه ایتمه لی ، مقاروناجی دوستر من شو ایکی اوج کره دکزه دوکمه یه ده موفق اولور سه ق هیچ شبهه یوقدر که ، یالکیز ایتالیا نلر دکل ، بونون آوروپا شرق سیاستی تقدیر ایده جکمز . شیمدی به قیر چکدیکمز آجی مغیوبیت لک استقامتی ده بو کره جبقه سارمه موفق اوله جفز . اشته شو هدفه طوغری یورومک ایچون سیاست خارجیه منری انتخاب قنداره و اهله تودیع ایتمه نك نه قدر اهمیت اولدیغی اکلایبایر .

ملت ده وظیفه سینه ثبات ایدرسه دیپلوماتلر من ملک متانتدن بلا استفاده بوکره ایتالیا نلره عالم سیاستده بر میدان او قومش اولورلر . بز بو فدارکارلنی التزام ایدرسه ک امین اوله لی که بزمه اتفاق ایده جکدر دخی بزه کال احترامله الاری اوزاتقدن صوکره خزینه لری دخی آچه جقلردر .

بز نه بابوب بابوب ایتالیا نلری افریقا تراب مقدس دن قوغلی ، دکزه دوکمه لی . بوکاده شبهه ایتمه لی که ایکی آی صوکره و بلهلم کلور ، متفی طرفندن بزم الیز ای اوهر و دکزه طوغری ده کندیلری آچیلورلر . هیچ شبهه یوق بو اوله جقدر . بزم ایچون یالکیز صبر و تحمل لازم .

بوندن صوکره مرکزک آله جفی وضعت و طوته جفی ، ملک تمامیه صبر و تحملدن عبارتدر . طرابلس غربده اولانلر که وظیفه لری کال متانت ایله مقاومت ایده رک نتیجه ده بو خائن مقارونه جیلری افریقا سواحلندن طرد و تبعید ایتمه کجه صالح و سلمی دخی طایمقار و بوباید مطلوبه مغایر هیچ بر شی قبول ایتمه مکدر . ایتالیا نلر هم آفریقان چکمه لی ، هم ضرر و زیانلری تضمین ایتمه لی . هم ده ایتالیا نلر شونی ایجه بیلمی درلر که تضمینات اوله رق پاره دکل ، زرهنی آله جفز . چونکه الحمد لله اوچیوز میلیون هیئت متجده اسلامیه سایه سنده پاره یه احتیاجز یوقدر . خلافت جلیله محمدیه اوغورنده جانلری ، قانلری فایه آماده اولان بوملت معظمه لدی الایجاب

ماللری می فدادن چکنه جکمر ؟ ان شاء الله یقینده هر شیئه موفق اوله جفز . شر یوزندن بیوک خیرلر کوره جکمز . اسلام قونی اورو باللرا کلا دقلری کبی خلافت اسلامیه بولتیقه سنی ده رجال سیاسیه من تقدیر ایتدی . اخیر و ظفر بزده در . نصر من الله و فتح قریب . شیمدی بزم لازم اولان یالکیز اتحاد و اتفاق ، جسارت و متانت در .

عبدالرشید ابراهیم

عالم اسلامه تبشیرات

حربیه نظارتندن وارد اولمشدر :

نشرین اولک اون اوچنجی کیجه سی طرابلس اوزرینه قوای نظامیه و کولکی قطعاتیه اجرا ایدیلن باصقینه مرکز هجوم قولک دشمنک طوتدیغی خط مدافعه یی بعض محلا یندن قیارق مهاجرلردن بعضیلرینک خورمالق آرسندن شهره قدر یاقلاشدیغی و صاغ جناح قولک اوکون ساعت درده قدر دوام ایدن مهاجمات شدید و فداکارانه سایه سنده دشمنک مذکور خط اوزرنده کی تکمیل خطوط مدافعه سنی یارارق محلات حدودینه قدر بوسکورتیمکه موفق اولدیغی کبی دشمنک آیک اون بشنجی کیجه سینه قدر تحت اشغالنده بولندر دقلری سید مصری وهانی استحکاماتی اوزرینه اجرا قلنان دلیرانه هجوملر اوزرینه دشمن آرتق ثبات ایده میهرک استحکامات مذکورده یی بالخیله فرار ایتدیکی جهته عسکر و کولکلیریز طرفندن مواقع مذکور اشغال و فرار یلرک تمقیی ایچون اتخاذ تدایر اولدیغی و خط مدافعه کیروسنده بولنان دشمنک آجدیغی مقراص آتشنه انضمام ایدن سریع آتشی جبل بطریه لریه متعدد مترالیوزلرک و سپهر و سنده کی پیاده لک شدید آتشنه رغماً هر شیئه کوس کره رک بی پروا هجوم ایدن عسکر و کولکلیریزک دشمنک بتون بو وسائط مدافعه سنی یالکیز تفک آتشیله اسکات واسقاطه موفق اوله رق نامدار سنجاغزک شانی بوکره ده اعلا ایلدکری واشبو محاربه ده دشمنک ضایعات عظیمه سی اولدیغی محقق ایه ده هنوز مقداری اکلایبایر مدیغی و ضایعاتک قرق الی قدر شهیده یوز الی قدر مجروح تخمین ایدلیدیکی طرابلس غرب قوماندانلغندن اشعار قلده شد . ۱۸ نشرین اول سنه ۳۲۷

توحید و اتحاد

— ۴ —

مهاجرین و انصار

بری روح ایمان ، دیکری قلب اسلام . بری معن توحید ، دیکری

محبت تمجید . بری وجود اسلام بازوی شیر افکنی ، دیکری نیچ ،
آهن شکنی .

« لا یدرک الوصف المطری خصائصه »
« وان یکن سابقاً فی کل ما وصفنا »

مهر منیر اسلام شمعشہ باش طلوع اولمازدن اول کثیف بر ظلام
جهالتہ مستور اولان حجاز خاک پاکنی کندی قاناریہ ایصالتمقدن ؛
هر طرفسده نمشاندن ، کیمکلرندن بیغینلر ، اهراملر وجوده
کنیمکدن ؛ حیوانات، مفرسه ایله رقابتدن باشقه بر فکر بسلامین ،
بر امل ، بر مقصد طاشمایان ؛ غدالری صید و شکاردن - آنی ده
بولامانجه - ییلاندن چیلاندن باشقه بر شی ارلمان قبائل عرب او
وحشت پرور ، اوسفات کسیر قرانقلر ایچنده عذیلہ بیرتیجی ،
بارلایجی حیوان سورولربنه بکزرکن او خورشید جهان افروز
دوغمدن صکره نور دریاسنه دلمش ، صانکه بر دهساید خلقتدن
کجوب بشریتلری ملکیتہ تحول ایتیش فرشتلر ایدی .

بودرک اسفل سافلین حیوانیتدن عرش اعلائی انسانیتہ اغلالری
اودرجه خرد فرسا بر تحول ایدی ، که انسان تاریخ اسلامک بو
شانلی ، بو شوکتلی ، بو لاهوتی صحیفه لری او قورکن مدیدسکتہ ادراک
ایچنده مہریت قییر نچ . برنلر ، اولریمیدر ؟ دی یه شک وترددن
کندی منع ایدہ من .

ذره قدر مبالغه ایتیمورم . مع التأسف نسل جلیل عربدن ده
دکم ، که عسایر وجدانیہ مغلوب اولدیم . ایشته تاریخ ! اوسویلیور .
بن ترجمان حق و حقیقت :

آرناوود اولسہم نه غم دینم عرب روحم عرب
عنصرم خاک فنادر روح اما سرمدی
عشقی سنسک روحک سوداسی سن ! آرامی سن
ایشته اعداک ، کیم دییور : سنسک جهانک سیدی !
سن که انسانیتک ، معاده شاهنشاهیہک
آسمان مفخرتده بدره کیرمش ماهک

سلطان اقالیم رسالت (علیه الصلاة والسلام) ایتدیمز حضرتلری
بویکی عنصر انسانیتی ، بویکی جوهر مدینتی بر بریلہ قاردهش یایدیلر .
ایشته اودقیقہ مؤاخذه انسان بولونملی ، بولونملی ده فیض انسانیتک
برسیل خروشان کبی سینهلردن فصل طاشدیغنی کورملی ایدی !
وطنلرندن مہجور ، اموال و املاکلرندن محروم باش آجیق ،
یالین آیق قالمش اولان مهاجرین عظامی انصار کرام صاغناقلی بریاغمور
کبی تأثیر یاشلری دوکدرک قوللری آرسنه صارملری ، سیدہ شفقت
و محبتلری اوزربنه باصدیرملری هر دورلو تصویر و تصورک فوقده
دینلمکه سزا برمنظره علویت ایدی . تاریخ انسانیت بو شوکتلی ، بو
سادتلی مواخذه ایله ، بو حقیقی قاردهشکله ، بو شانلی مدینتله بوتون
ماضی به ، بوتون استقباله قارشلی افتخار ایدردی .
فطرة بشرک علویت مطلقه سنه اک بارلاق دلیل اولان او بویوک

قلبرک احساسات مافوق الطبیعیہ سی ملکلری حیرتار ، غبطه لری ایچنار .
براقیوردی .

الله الله برمدینہ لینک مکلی بر هجرتزده بی سوداوی
براشتیاق وجدان ، بر غرام روح ایله :

« انت اخي في الدنيا والاخرة ! »

دی یه در آغوش ایتیمی ، بوتون ماملکینک یاریسنی اودین قاردهشنه
ویرمسی ، آکا هجرتک مرارتلری ارنوتدیرمق ، آنی برمدینہ لی یایمق
ایچن فداکارلک صولک نقطه امکانہ قدر قوشمسی نه الهی برعلویت
روح ، نه خرد فرسا بر فیض انسانیتدر !

بوکون بر بابانک صلیبندن گلش ، بر آمانک رحمتدن دوشمش
ایکی قاردهش کویستربکز ، که دکل ماملکلری تنصیف ایدوب یکدیگرینه
باغشلامق ، حتی بابامیرانک تقسیمده بر برینه مساعده کارانه داورانسین !
ملکیت ایشته اودقیقده انسانیتک نفوق و تعالینسی کور ییور ،
اکا ازهار تقدیرات و تبریکاتی تقدیم ایدیوردی .

« اتجمل فیها من یفسد فیها ویسفک الدماء ؟ »

سؤال والهانه سندن بردهار جوع ، بردها ندامت ، بردها طلب عفو
ومغفرت ایدیوردی .

غزواتده اله کچن غنائمک ثلثانی مهاجرین کرامه عنایت بویوریلور
حضرت انصار بوتقسیم لطف واحساندن دولایی اشک شکران
و محبت دوکوردی .

بوعلو استغناک نزد جلیل رسالت پناه اعظمیده (علیه الصلاة
والسلام) حصوله کیدریکی محظوظیت قدسیہ بی شوآیت جلیلہ
شوالنقات الهی تتویج ایدیوردی :

« والذین تبوأوا الدار والايمان من قبلهم »

مدینة منورہ بی ، اومہجر ابدی الاشهار محمدی بی (علیه الصلاة
والسلام) ، اومہبطایم فی اومنبع عرفانی - قبل الهجره - کندیلربنه
مأوی اتخاذ ایتیش اولان کرام انصار اوعلو خصلت ارباب ، اوسمو
انسانیت اصحابیدر ، که :

« یحبون من هاجر الیهم »

مکه . مکرمدن الله یولنده ، رسول الله اوغرندہ بوتون ماللرندن ،
املاکلرندن واز کچهرک ، حیات دنیانک برتون اذواقندن ، سعادتندن
نفسلری تجرید ایدهرک چرکاب شرک ایچنده قالان بتون اقبالری
حنی پدرلری بر اقرارق لیم ، جکر سوز بر احتیاجک بار ثقیلی آلتده
- متوکلا علی الله - مدینة السلامه جان آنان هجرت زده لری خار ،
آتشین بر محبتله سه ورلر .

« ولا یجدون فی صدورهم حاجة مما اوتوا »

او حق قربانربنه ، او رسول الله فداکارینه غنائمدن ویریلان
حصه زاندهدن دولایی وجدانلرندہ ، قلبلرندہ ذره قدر بیله تراغبرار
وانفعال بولمازلر .

« ویترون علی انفسهم ولو كان بهم خصاصة »

[بلکه انلری کندی نفسارینه - احتیاج و ضرورتلری اولسه بیلینه - ترجیح و تقدیم ایدرلر ،] بوتون امللری انلرک تهوین و ضرورتی ! بوتون آرزولری انلرک ترفیه معیشتی ! انلرک مکده ترله ایملکلری ماللرینک تأثرات ضروریه بشریه سنی اونوتدیرمق ! انلره «جرتک او آجی ، او الم افروز دردلرینی حس ایتدیرمه مک ! انلری ایوا واسکان ایتک ! انلره کریمه شفقت و مرحمت دو کدرک ایکی یورغاندن برینی ، بر باغچه نک نصفی ، کیسه لرنده کی نقدک یارینی تقدیم و اهدا ایتک ! کوردیکریمی ؟ ایشته حقیقی توحید بویه اولور ! روحی اتحاد بوکا دینیر !

بو لایتزلزل بنیان مرصوص اتحادی و جوده کترین معنای ازلی توحیددر ، توحید حقیقی و شهودیدر . بوتون او محترم لساالیر قلبلرینک ، روحلرینک ترجمانی اولوق اوزره حضور اقدس جناب پیامبر اعظمی ده (علیه الصلاة والسلام)

« انت احب الینا یا رسول الله من جمیع اموالنا و اولادنا بل من انفسنا ! فدنیک روحنه و نحمده الله علی ذلک ! » دییورلردی .
بو سودالر ، بو عشق و غرامار ، بو فدارل ، بو حمد و ثنالر « لایؤمن احدکم حتی اکون احب الیه من والده و ولده و الناس اجمین بخاری : کتاب الایمان »

[سزدن هیچ بریکرتا که بنی کشندیسنه پدردن ، اولادندن بوتون جهان انسانیتان دها سوکیلی اولدقجه ایمانک رتبه کمالی احراز ایده مزه]

خطاب جمیل القدرینک جواب اجابتی اولیوردی .

مابعدی وار

محمد فخرالدین

تأییل طبیعت :

لیله زاهره

خولیا نعل تصور ایلرسه اولله علوی ؛
صنعت نه درلو تصویر ایلرسه اولله ذیلی ؛
زمزمه اکرم بک

ینه هر بر بیاضه پوشیده ،

ینه هرشی پر انجلا ، شفاف ؛

اویویور وجد ایچنده هپ اطراف ،

آقور شعر ایچنده هپ اشیا ؛

صانکه بر سیل سمرمدی ضیا

کچور جوشش خموشیده !

..

جو پیروز ایچنده بر نوار ،
کوموش آویزه جلا-قوار
دوکویور صاف خنده سیاه ..

آسمان بر فسیحه رونق ،
ده کنز آلتندد حوضه زیبق ،
دلنلر رقص جوهرین مذاپ ..

ماورای قضایه اکشاده
بر بوبوک نقبه مدوردن
ایذور بر شلاله روشن ؛

ایذور ساکستانه ایماده ،
ایذور هپ جباله ، آفاقه ،
ایذور بر و بحر براقه ..

رنکار نور ایچنده بیقانیور ؛
کولکلر لمعلرله چالقانیور ؛
هر طرف القاعزار سراب ..

ذره لر ریزه دانه بلور ؛
قطره لر نجم پاره منثور ؛
جویلر سلسیلدن میزاب ..

نفخات هوا بینه نوار ؛
تسیور ایشته رفرف انوار ؛
ینه اوراقی رعشه لندیردی :

سوسو بریغین زرین کله بک
پارلیور جنبش جناح ایدرک ؛
ینه دالاره باش اکیدردی ..

باغچه لر لمه زار شعر و شغف ؛
شیمدی کلرلر ، شکوفه لر یریر
خنده زر ، تبسم جوهر ؛

برکلر ، زمردین ، لب مبهوت ؛
لاله لر بر پیاله یاقوت ؛
زاله لر در شعله دار نجف ؛

— ۲۷ تموز ۱۳۲۷ —

ف . صاحب